

SYMPOSIUM 1517 – 2017

Op vri'jdag 19 meie 2017

Van 13.00 – 17.00 ure



Et van oorsprong venestroompien De Riete bi'j Boekelte is al van 1517 of een diel van de greens tussen Oost- en West-Stellingwarf. Op 'e foto zien jim et stroompien uutkommen in De Lende. Ok die revier is veur een groot pat de greens tussen de beide gemienten. De foto is maekt vanof et grondgebied van Ni'jberkoop; we kieken uut op Boekelte. Links, an de ere kaante van De Lende is nog krek een tippien Elsiger grond te zien (foto: Sietske Bloemhoff)

In een saemenwerkingsverbaand van de Stichting Stellingwarver Schrieversronte, de Historische Vereniging Appelscha e.o, de Historische Vereniging Oosterwolde e.o. en de Vereniging Historie Weststellingwerf wodt op vri'jdagmiddag 19 meie et Symposium 1517 – 2017 holen. Dit symposium wodt orgeniseerd omreden et van 't jaor op 'e kop of vuufhonderd jaor leden is dat et gebied Stellingwarf in twee grietenij'en verdiel wodde. Laeter zollen dit de gemienten Oost- en West-Stellingwarf wodden gaon. Tiedens dit biezondere symposium zal d'r niet aliend ommedaenken wezen veur de periode rond 1517, mar ok veur onderwarpen die in de jaoren daornao van belang west hebben veur oons gebied. Et pergramme zicht d'r as volgt uut:

Vanof 13.00 ure	: Inloop
13.30 ure	: Eupening deur dagveurzitter Ype Dijkstra
13.40 ure	: 'Twee-eenheid, vijfhonderd jaar Oost- en Weststellingwerf', deur dr. Meindert Schroor
14.20 ure	: 'Rentmeestersrekens van Stellingwarf-Oostaende en Stellingwarf-Westaende/ Rentmeestersrekeningen van Stellingwerf-Oosteinde en Stellingwerf-Westeinde. Tekstuitgave met toelichting deur dr. Henk Bloemhoff
15.00 ure	: Middeliuwse meziek van Marianta
15.15 ure	: Schoft (mit meziek van Marianta)
15.35 ure	: 'De familie Lycklama à Nijeholt en de OWO gemeenten. Machts- en huwelijkspolitiek', deur Jelle Terluin
16.15 uur	: 'Gelaagde identiteit en modernisering: ontwikkelingen in de Stellingwerven vanaf de jaren vijftig', deur perf. dr. Michiel Herweijer
16.55 ure	: Ofsluting, mit meziek van Marianta

De intree veur het symposium is € 10,00. Veur leden van historische verienings, dörpsarchieven en dörpskemmissies in en buten Stellingwarf gelt (bi'j risserveren veurof) de speciaole toegangspries € 7,50. Daor bin koffie, thee mit een traktaosie, een hattelike biet in et schoft en nao ofloop bi'j inbegrepen.

Plak	: MFA, Willinge Prinsstraote 18c, Berkoop
Daotum	: Vri'jdag 19 meie 2017
Tied	: Vanof 13.00 ure inloop mit koffie/thee, et pergramme begint om 13.30 ure
Risserveren	: Stellingwarver Schrieversronte, t/m donderdag 11 meie 2017. Van mae t/m do tussen 9.00 en 16.00 ure via info@stellingwarfs.nl , 0516-451108; betaelen kan aliend kontant op 19 meie bi'j binnenkomst.